



Babhta Oscailte do Chomhlachtaí agus Léiritheoirí Nua 2026



Dáta Deiridh d'Iarratais: 16:00 an 23 Márta 2026

Tá córas coimisiúnaithe nua, TG4 eCoimisiúin, i bhfeidhm ag TG4. Chun iarratas a dhéanamh, ní mór duit clárú ar an gcóras nua <https://ecoimisiuin.tg4.ie/>.

Fáilteoidh TG4 roimh smaointe ó chomhlachtaí nua (comhlachtaí iomlán nua nár oibrigh le TG4 cheana nó comhlachtaí nár oibrigh linn le cúig bliana nó níos mó) nó ó léiritheoir nua atá ag teacht chun cinn atá chun togra dá chuid féin a léiriú i gcomhlacht a d'oibrigh le TG4 cheana. Is tograí atá TG4 ábalta maoiniú 100% a chur ar fáil dóibh atá á lorg sa bhabhta seo. Tá suim ar leith againn smaointe a fháil ó chomhlachtaí i gceantair Ghaeltachta, ag teacht lenár sprioc straitéiseach an earnáil léiriúcháin neamhspleách sa Ghaeltacht a fhorbairt agus a fhás.

Táimid ag lorg smaointe a chuireann súil eile TG4 chun cinn, atá ag teacht le spriocanna cláir agus straitéise TG4 agus atá dírithe ar an lucht féachana atá againn sa Ghaeltacht, ar fud na tíre agus ar fud na cruinne.

Tá an babhta seo mar chuid dár dtiomantas an éagsúlacht a chothú, tacú le glórtha éagsúla, agus an chruthaitheacht san earnáil a chumasú.

Is riachtanas de chuid TG4 é go mbeadh eolas ag comhlacht ar bith a mbronnar coimisiúnú air ar [Chaighdeán agus Treoirínte Iriseoireachta Chláir TG4](#), [Polasaí Comhlíontachta TG4](#) agus na hoibleagáidí reachtúla agus rialála atá i gceist faoin Acht Craolacháin 2009 chomh maith le heolas a bheith acu ar Chóid agus Rialacha ábhartha Choimisiún na Meán (CnaM.ie).

Sula ndéantar iarratas:

- **Léigh [Spriocanna Straitéiseacha TG4](#):** (Lch 6) agus léirigh go soiléir an chaoi a dtacaíonn do mholadh le straitéis TG4.
- **Lucht Féachana:** Luaigh go soiléir an lucht féachana ar a bhfuil do mholadh dírithe. (Páistí, aoisghrúpa 15-35, 34-54, 55+)

Príomhpointí - Cé atá in ann iarratas a dhéanamh?

- Is féidir le comhlachtaí léiriúcháin nó léiritheoirí nua atá ag teacht chun cinn iarratas a dhéanamh faoin mbabhta seo.

Ba chóir d'iarratasóirí:

- A bheith ag tús a ngairme nó ag céim forbartha atá ag teacht le cuspóirí an bhabhta seo.
- A bheith ag plé leis an nGaeilge nó a bheith lonnaithe i gceantar Gaeltachta.
- Tuiscint láidir a bheith acu ar sceideal agus lucht féachana TG4.
- Beidh an gearrliosta curtha i gcrích roimh an **16/04/2026**
- Déanfar gearrliosta bunaithe ar éagsúlacht an smaoinimh, riachtanais sceidealaithe agus tosaíochtaí straitéiseacha TG4.
- Má roghnaítear d'iarratas, déanfaidh an tEagarthóir Coimisiúnaithe teagmháil leat faoi na chéad chéimeanna eile agus faoi iarratas foirmeálta a dhéanamh.
- Moltar machnamh a dhéanamh ar sheánraí nó ábhar nach bhfuil ag TG4 faoi láthair a d'oirfeadh do spriocanna straitéiseacha agus sceideal TG4.
- Pléifear cearta ag an gcéad chéim eile den phróiseas má éiríonn leis an iarratas dul ar aghaidh chuig an ngearrliosta.

Tábhachtach:

- **Buiséad:** Smaointe ar féidir iad a léiriú le buiséid TG4 atá á lorg sa bhabhta seo. Más togra é a mbeidh tacaíocht chómhaoinithe ag teastáil ina leith, moltar gan iarratas a dhéanamh sa bhabhta seo.

Riachtanais Iarratais:

- Ní mór d'iarratas a líonadh isteach ar shuíomh eCoimisiúin TG4 agus treoibhuiséad ar an gcostas in aghaidh na huaire a bheith leis an iarratas. Sa gcás go n-éireodh le d'iarratas, beidh buiséad mionsonraithe le cur ar fáil sa chéad chéim eile den phróiseas.

Cuir san áireamh:

- Cur síos ar an smaoineamh agus ar an gcur chuige cruthaitheach
- Amlíne léiriúcháin
- Foireann agus taithí
- Léiriú ar an gcaoi a bhfuil an togra ag teacht le súil eile agus straitéis TG4
- Sprioclucht féachana
- Cur chuige eagarthóireachta teangeolaíoch don léiriú - ní mór an cur chuige atáthar a úsáid sa chlár / sa tsraith chun an Ghaeilge agus caighdeán agus saibhreas na Gaeilge a chinntiú

Gearrliostú: Má chuirtear do thogra ar ghearrliosta, déanfar teagmháil leat ar ríomhphost ar an **16 Aibreán 2026** faoi réir comhaontú conartha i mí Bealtaine 2026. Is é mian TG4 go mbeadh gach conradh bhfuil TG4 ag déanamh maoiniú 100% air ag an staid réamh-ghearrtha in 2026 más féidir.

Ábhar Ilardáin: Beidh TG4 ag súil go mbeifear in ann roinnt ábhair a chur ar fáil ar ardáin éagsúla. Ní mór a mheas an bhfuil an t-ábhar oiriúnach do na hardáin dhigiteacha mar chuid de do chur chuige ach ní gá go mbeadh gach smaoineamh in oiriúint do na hardáin dhigiteacha.

Tacaíocht: Beidh eagarthóirí coimisiúnaithe TG4 ar fáil le haghaidh cruinnithe le léiritheoirí a bhfuil suim acu sa bhabhta seo. Is féidir ceisteanna a chur ar aghaidh nó plé tosaigh a eagrú ach teagmháil a dhéanamh le: maryellen.ni.chualain@tg4.ie nó Julieann.ni.fhatharta@tg4.ie.

Seánraí Incháilithe:

Cúla4: Lucht Féachana Bunscoile nó Réamhscoile: Ábhar tarraingteach agus spráúil i ngach seánra atá á lorg a léiríonn ábhar a bhfuil spéis ag an lucht féachana seo ann. Is fiú smaoineamh ar an ábhar spéise is mó atá ag daoine óga - spórt, ealaín, eolaíocht, peataí, teicneolaíocht etc. Ní mór smaointe/tuairimí an lucht féachana a chur san áireamh agus ní mór stíl, ton agus brandáil a bheith soiléir ó thús an togra.

Daoine Óga (Déagóirí agus daoine faoi 35): Táimid ag lorg smaointe d'ábhar i ngach seánra don aoisghrúpa seo. Fáilteofar roimh ábhar grinn, siamsaíochta, faisnéise, fíorasach, cúrsaí reatha, agus drámaíochta, srl. Ní mór an t-údar a mbeadh spéis ag an lucht féachana sa ábhar seo a chur in iúl.

Siamsaíocht: Táimid ag lorg smaointe nua dána, siamsúla a chuirfidh daoine ag caint. Ba mhaith le TG4 coimisiúnú a dhéanamh ar shraitheanna siamsaíochta a bhriseann an múnla; siamsaíocht fhíorasach, teaghlaigh, greann agus a thagann le 'súil eile' TG4.

Saolchláir: Táimid ag lorg smaointe do shraitheanna saolchláir, a bheidh dírithe ar léargas úsáideach a chur i láthair don lucht féachana ar bhealach siamsúil agus éadrom. Smoainte a scagann saol an lae inniu. D'fhéadfadh an tsraith a bheith dírithe ar aoisghrúpa ar leith nó ar sprioclucht féachana ar leith. Beifear ag súil na sraitheanna seo a chraoladh roimh 9pm agus i rith na seachtaine. Fáilteofar roimh gach formáid.

Ócáidí Ceiliúrtha: Táimid ag lorg smaointe nua do chláir cheoil idir cheolchoirmeacha, ócáidí, shiamsaíocht cheoil agus cheol beo a luíonn go smior le ‘súil eile’ TG4 agus a spreagfaidh an lucht féachana.

B’fhiú d’ócáidí ceoil a bheith dírithe ar ócáid ar leith - Samhradh 2026, Samhain agus Nollaig 2026, Lá Fhéile Bríde 2027, Lá Fhéile Pádraig 2027.

Ceol: Fáilteofar roimh gach réimse ceoil a thaitníonn le lucht féachana TG4.

Fíorasach: Ón stair a mhúnlaigh muid go dtí saincheisteanna an lae inniu, táimid ag lorg cláir agus sraitheanna faisnéise a spreagann, a chuireann eolas ar fáil agus a chuireann ag smaoineamh muid agus a bheidh maoinithe 100% ag TG4.

Táimid ag lorg smaointe nua do réimse leathan clár faisnéise — ábhar staire, comhaimseartha, reatha agus gach rud idir eatarthu. Cuirfear fáilte roimh smaointe do chláir faisnéise reatha thráthúla ar féidir iad a chur ar fáil go tapa.

*Is fiú a thabhairt faoi deara go mbíonn comórtas géar ann do choimisiúnú ábhair faisnéise mar gheall ar an líon mór iarratas a fhaightear faoin seánra seo.

Na hEalaíona: Táimid ag lorg cláracha ealaíon agus cultúir ina dtugtar dearcaí nua, ina dtugtar ardán d’ealaíontóirí agus do lucht cruthaitheachta, agus ina dtugtar faoi chuir chuige nuálacha, ealaíonta agus chruthaitheacha i leith na físiúlachta, na scéalaíochta agus an léirithe.

Ó chleachtais chruthaitheacha chomhaimseartha go scéalta mealltacha cultúir, táimid ag lorg smaointe teilifíse a mheallann, a spreagann, agus a thugann ardán do ghlórtha nach dtugtar aird orthu go minic.

Cláracha aonair nó sraitheanna don phríomham féachana atá á lorg.

Nuálach nó Forbairt: Is deis é seo aon smaoineamh in aon fhormáid a chur ar aghaidh. Cuir iontas orainn le hábhar nach bhfuil TG4, dar leat, a chur ar fáil faoi láthair agus a mbeadh spéis ag an lucht féachana ann agus mínigh cén fáth a bhfuil a leithéid d’ábhar ag teastáil.

Ábhar Reatha: Tá suim ag TG4 cur lena chuid cláracha reatha. Is sraitheanna nó cláir aonair faoi ábhar atá tráthúil, i mbéal an phobail agus ar féidir é a léiriú agus a sholáthar go tapa atá á lorg againn. Ní gá gur cúrsaí reatha a bheadh i gceist agus d’fhéadfadh meascán idir ábhar trom agus éadrom a bheith sna hiarratais.

Nóta: Ní dhéanfar iarratais nach gcomhlíonann na riachtanais thuas a mheas.

Eolas Eile d’Iarrthóirí

Ní mór gach togra a chur ar aghaidh go leictreonach chuig TG4. Ní mór do chomhlachtaí léiriúcháin a chinntiú ar dtús go bhfuil siad cláraithe ar ár gcóras eCoimisiúin <https://ecoimisiuin.tg4.ie/>.

Ní mór iarratais a dhéanamh roimh an spriocam agus iad a chur ar aghaidh trí **‘Babhta Oscailte do Chomhlachtaí & Léiritheoirí Nua 2026’** a roghnú ón roghchlár anuas. Cuirfear in iúl duit, go huathoibríoch, nuair a bheidh do thogra curtha ar aghaidh. Ní ghlacfar le tograí nuair a bheidh an spriocdháta deiridh molta caite.

Is féidir ceist ar bith faoin mbabhta seo agus faoi oiriúnacht an tionscadail a sheoladh chuig Julieann.ni.fhatharta@tg4.ie.

Glacfar le hiarratas ar an mbonn go gcomhlíonfaidh iarrthóir na hoibleagáidí reachtúla iomchuí uile.

Níl dualgas ar TG4 glacadh leis an iarratas is ísle i bpraghas, ná le haon iarratas.

Beidh aon chonradh ag brath ar Dheimhniú Imréitigh Cánach a bheith agat ó na Coimisinéirí Ioncaim.

An tAcht um Shaoráil Faisnéise: Cuirtear iarrthóirí ar an eolas gur ceadmhach eolas a sholáthraítear a nochtadh don phobal faoin Acht um Shaoráil Faisnéise. Ba chóir d'iarrthóirí aird a tharraingt ar aon fhaisnéis íogair (más ann di) agus an chúis go bhfuil an fhaisnéis sin íogair a lua. Ní féidir glacadh leis nach mbeidh dualgas ar TG4 faisnéis a eisiúint, fiú más dóigh leis an iarrthóir gur faisnéis íogair í agus go bhfuil sin curtha in iúl do TG4.

Ní ann d'aon chineál ceangail – conradh ná aon chineál eile – go dtí go mbeidh conradh foirmiúil scríofa forghníofa ag nó thar ceann TG4.